

ՀԱՅԱՍՏԱՆԻ  
ՀԱՆՐԱՊԵՏՈՒԹՅՈՒՆ



РЕСПУБЛИКА  
АРМЕНИЯ

ԱՐՄԱՎԻՐԻ ՄԱՐԶՊԵՏ

МАРЗПЕТ АРМАВИРА

«<sup>25</sup>-----<sup>07</sup>----- 2009 թ.

N ---

Աա/ 0602

ՓՈԽԸՄԲՈՒՆՄԱՆ ՀՈՒՇԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶՊԵՏԱՐԱՆԻ  
ԵՎ

ԻՐԱՆԻ ԻՍԼԱՄԱԿԱՆ ՀԱՆՐԱՊԵՏՈՒԹՅԱՆ ԱՐԵՎՍՏՅԱՆ ԱՏՐՊԱՏԱԿԱՆԻ  
ՆԱՀԱՆԳԻ ՄԻԶԵՎ

Սույն համաձայնագիրը կազմվել է հարևան և բարեկամ երկու երկրների՝ Հայաստանի Հանրապետության՝ հանձինս ՀՀ Արմավիրի մարզպետարանի և Իրանի Իսլամական Հանրապետության՝ հանձինս Արևմտյան Ատրպատականի նահանգի միջև /հետագայում՝ կողմեր/ հետևյալ մասին.

ՀԱՄԱԳՈՐԾԱԿՑՈՒԹՅԱՆ ԲՆԱԳԱՎԱՌՆԵՐԸ

1. Կողմերը հաստատում են 29.05.2009 թվականին Արմավիրի մարզպետարանի և Արևմտյան Ատրպատականի նահանգի ֆիզիկական կուլտուրայի գլխավոր վարչության ստորագրած հուշագրի դրույթները՝ սպորտային և մշակութային համագործակցության վերաբերյալ և սահմանում են գործնական նախադրյալներ դրանց իրագործման համար:
2. Կողմերը հաստատում են երկու մարզերի հետագա համագործակցությունը գյուղատնտեսության բնագավառում, մասնավորապես՝ ցանքատարածքների իրացման և ագրոտեխնիկական կանոնների ուսուցման, անասնապահության,

քոչնարութեան, մեղվարութեան, ձկնարութեան, այգեգործութեան և այլ ոլորտներում, այդ թվում նաև մասնավոր և պետական ոլորտներում փորձի փոխանակման կազմակերպմամբ:

3. Հայաստանի Հանրապետության Արմավիրի մարզպետարանը հայտնում է իր պատրաստակամությունը ձեռք բերելու գյուղմթերքների արտադրության համար անհրաժեշտ սերմացուներ, մինի տեխնիկա և պարարտանյութեր, ինչպես նաև աջակցել Արմավիրի մարզում ստեղծելու գյուղմթերքների վերամշակող կազմակերպություններ:
4. Կողմերը հաստատում են իրենց համագործակցությունը էկոլոգիայի բնագավառում, այդ թվում բնական պաշարների պահպանման և շահագործման ոլորտներում, հատկապես Արաքս գետի շահագործման և բնապահպանության մաքրության աշխատանքներում՝ կազմակերպելով այդ ոլորտներում կազմակերպությունների համագործակցված աշխատանքը:
5. Կողմերը հաստատում են իրենց համագործակցությունը առևտրատնտեսական ոլորտներում, այդ թվում առևտրա-արդյունաբերական պալատների, մասնավոր կազմակերպությունների ներգրավմամբ՝ դրա իրականացման ընթացքում ներգրավելով կողմերի համապատասխան ներուժը առևտրի, ներդրումային ծրագրերի իրականացման ոլորտներից՝ ցուցահանդեսների կազմակերպման միջոցով:
6. Կողմերը աջակցում են պետական և մասնավոր ոլորտների կազմակերպությունների համագործակցությանը մշակույթի և տուրիզմի բնագավառներում՝ այդ թվում կազմակերպելով արվեստի գործերի, թանգարանային նմուշների և խմբերի ցուցահանդես և փոխանակում, իսկ տուրիստական խմբերի այցերի համար սահմանում են հատուկ ավտոբուսային երթուղիներ:
7. Կողմերը աջակցում են բուհական և այլ ուսումնական հաստատությունների դասախոսական և ուսանողական կազմերի միջև փոխադարձ սեմինարների և գիտական այցերի կազմակերպմանը, այդ թվում նաև համատեղ հետազոտական ծրագրերի իրականացմանը, ինչպես նաև ուսանողական կազմերի միջև սպորտային միջոցառումների կազմակերպմանը:
8. Կողմերը պատրաստակամություն են հայտնում կազմակերպելու քաղաքապետերի երկկողմանի համագործակցության աշխատանքները՝ փորձի փոխանակման միջոցով:
9. Սույն փոխըմբռնման հուշագրի վերոհիշյալ դրույթների իրագործման, ինչպես ընթացիկ առաջարկությունների նախապատրաստման համար

կողմերը, համապատասխան պաշտոնատար հինգ անձերից բաղկացած, հանձնաժողովներ են ստեղծում: Այդ հանձնաժողովների համատեղ նիստերը տեղի են ունենում առնվազն տարին մեկ անգամ, ըստ հերթականության Իրանի Իսլամական Հանրապետության Արևմտյան Ատրպատականի նահանգում և Հայաստանի Հանրապետության Արմավիրի մարզում, որտեղ քննարկվում են սույն փոխըմբռնման հուշագրի դրույթների իրագործման ընթացքը:


Սույն փոխըմբռնման հուշագիրը բաղկացած է իննը կետից, չորս օրինակից, պարսկերեն և հայերեն լեզուներով, ստորագրվում են 25 հուլիսի 2009 թվականին, Ուրմիա քաղաքում: Բոլոր չորս օրինակներն էլ հավասարազոր են:


Հայաստանի Հանրապետության

Իրանի Իսլամական Հանրապետության

Արմավիրի Մարզպետ

Արևմտյան Ատրպատականի Նահանգապետ

  
Ա. Նահրամանյան

  
Բահիմ Նորբանի

ՀԱՅԱՍՏԱՆԻ  
ՀԱՆՐԱՊԵՏՈՒԹՅՈՒՆ



РЕСПУБЛИКА  
АРМЕНИЯ

ԱՐՄԱՎԻՐԻ ՄԱՐԶՊԵՏ

МАРЗПЕТ АРМАВИРА

«26» 05 2009 թ.

N 1350

Աա/ 0602

ՓՈՒՆԸՍԲՈՒՆՍԱՆ ՀՈՒՇԱԳԻՐ

ԻՐԱՆԻ ԻՍԼԱՄԱԿԱՆ ՀԱՆՐԱՊԵՏՈՒԹՅԱՆ ԱՐԵՎՍՏՅԱՆ ԱՏՐՊԱՏԱԿԱՆԻ  
ՆԱՀԱՆԳԻ ՖԻԶԻԿԱԿԱՆ ԿՈՒՆՏՐԱՅԻ ԳԼԽԱՎՈՐ ՎԱՐՉՈՒԹՅԱՆ  
ԵՎ  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶՊԵՏԱՐԱՆԻ ՄԻԶԵՎ  
ՍՊՈՐՏԻ ԲՆԱԳԱՎԱՌՈՒՄ ՀԱՍԱԳՈՐԾԱԿՑՈՒԹՅԱՆ ՄԱՍԻՆ

Սույն համաձայնագիրը կազմվել է հարևան և բարեկամ երկու երկրների՝ Իրանի Իսլամական Հանրապետության Արևմտյան Ատրպատականի նահանգի ֆիզիկական կուլտուրայի գլխավոր վարչության և Հայաստանի Հանրապետության Արմավիրի մարզպետարանի միջև՝ սպորտային և մշակութային փոխհարաբերությունների տարածման ու ամրապնդման ուղղությամբ, որը 2009 թվականի մայիսի 26-ին ստորագրվեց Արմավիր քաղաքում:

ՀԱՍԱԳՈՐԾԱԿՑՈՒԹՅԱՆ ԲՆԱԳԱՎԱՌՆԵՐԸ

1. Կողմերը սպորտային հետևյալ՝ եվրոպական ազատ ըմբշամարտի, ձյուդոյի, բռնցքամարտի, ձեռքի գնդակի, շախմատի, վոլեյբոլի, թեքվանդոյի, կարատեի, սեդանի թենիսի, մարմնամարզության, սուսերամարտի, հրաձգության և սպորտի այլ ձևերում, համաձայնվեցին թիմերի փոխանակման վերաբերյալ:
2. Կողմերը, բացի վերոհիշյալ մարզաձևերից, մրցումների կազմակերպման բնագավառում և սպորտային այլ ձևերում՝ ընկերական հանդիպումներում նախնական հրավերով, կհամագործակցեն:

3. Կողմերը կհամագործակցեն երկու երկրներում միասնական հավաքներ կազմակերպելու վերաբերյալ:
4. Կողմերը կհամագործակցեն փոխադարձաբար մասնակցելու երկու տարածաշրջաններում տարբեր առիթներով կազմակերպվող սպորտային փառատոններին և մրցումներին:
5. Կողմերը կհամագործակցեն մրցավարների և մարզիկների ուսուցման և այլ հարցերի կազմակերպման բնագավառներում:
6. Կողմերը կհամագործակցեն մարզիկների և մասնագետների փոխանակման բնագավառներում:
7. Կողմերը պարտավորվում են հյուրընկալ երկրում մուտք գործելու պահից մինչև դուրս գալը՝ թիմերի սննդի ամբողջ ծախսերը՝ կացարանը և մեկնումն ու վերադարձը, ապահովել:
8. Կողմերը պարտավորվում են հրավիրյալ թիմին, սահման մուտք գործելուց և ճամփորդության ավարտից հետո, մինչև նպատակային սահման ուղեկցել:
9. Կողմերի մրցույթներում մարզական թիմերի ներկայությունը հնարավոր կլինի նախնական հրավերի հիման վրա:
10. Ուղարկվող հրավերում պետք է նշվի /հայտարարվի/ մրցումներին մասնակցելու պայմանները:
11. Որոշում կայացվեց կողմերի մարզական թիմերի և հանձնաժողովների մեկնման ու վերադարձի դյուրացման նպատակով անվճար անցագրերի առաքման խնդիրը սեփական պետությունների իրավասու պատասխանատուներից խնդրել և հանձնառու լինել փոխադարձը կատարելու պայմանով:
12. Փոխըմբռնման այս հուշագիրը կազմվել է երկու օրինակից՝ հայերեն և պարսկերեն լեզուներով: Երկու տեքստերն էլ հավասարազոր են:

Իրանի Իսլամական Հանրապետության  
Արևմտյան Ատրպատականի նահանգի  
Ֆիզիկական կուլտուրայի գլխավոր  
վարչության կողմից

Հայաստանի Հանրապետության Արմավիրի  
մարզպետարանի կողմից  
ՀՀ Արմավիրի մարզպետ



Այի մոլլա Ահմադի



Աշոտ Սարգսի Ղահրամանյան